

I Consëis de Cöra da San Martin y da Lungiarü ti aoda a siur Iaco – a inom dles comunités – festes da Nadé plënes de ligrëza y de pesc. N dilan sintí por döt ci ch'al fej por les döes ploanies, por la desponibilité y la buna colauraziun.

La benedisciun dl vin de San Jan é na bela usanza ch'i orun mantigní y a chëra ch'al vëgn invié privac y ostis da nen porté a lascé benedí.

SAN MARTIN

Aziun di Trëi Resc: Ai 3 y ai 4 de jená (dedemealedema y jöbia) passarà indô dui grups dla schira jonila fora por les ciases a porté la buna noela, perian ince do na spëhora de buna man. Les spëhores di trëi resc gnará tutes da finazié plü de 100 proieç de solidarité te döt le monn. En chësc ann gnará alzé fora i proieç tla Papua Nöia Guinea. Le film gnará mostré tla televijiun:

en dedolönesc, ai 26/12, dales 20.20 TV Rai Südtirol (por todësch)

en dedolönesc, ai 26/12, dales 20.51 TV Rai Ladinia (por ladin)

en vëndres, 29/12, dales 18.00 TV Rai Südtirol, tla verjiun por mituns (por todësch)

La Uniun di Seniors da San Martin y d'Antermëia ti aoda a düc i seniors di dui paisc döt le bun por les Festes da Nadé y le miú por l'Ann Nü cun ligrëza, sanité y pesc.

DILAN: En ocasiun dla sopöltöra de Paola Ploner Trebo él gnü fat ofertes por la dljia da Pio Trebo dl Tasser, fam. Otto Erlacher, fam. Ottilia Pedevilla, Consorzi Implanc Alta Badia, Teresa Pedevilla, Pëiapësc da S. Martin, Rinaldo Verginer, dala so Loise cun Sepl y families, da siur Franzl y Hilda Sottara, Anna Planatscher da Preroman y dala SEA.

Por le defunt Sepl Flöss él gnü fat n'oferta dala nëza Martina. - Dilan Idí s'al paies!

LUNGIARÜ

Uniun Sport Lungiarü: dai 28 de dezëmbër inant, vigni mertesc y jöbia, sarál dales 14.30 inant indô la poscibilité da jadiné söl ciamp da dlacia por pici y gragn

Döt le team dl Sorvisc ai Jogn y so consëi ti dij a düc chi che á sostigní i jogn te sües ativités n gran dilan. I Ves audun de cör n bel Nadé y n bun Ann Nü 2018. L'ofize dl Sorvisc ai Jogn é stlüt dal vëndres 22 de dezëmbër al vëndres 5 de jená!

Manifestaziuns dl'Assoziaziun Turistica:

Ai 27 de dezëmbër dales 21.00 concert tla dljia d'Antermëia cun le cor de dljia, i Antervois y n grup de cors

Ai 28 de dezëmbër dales 17.30 spazirada dala dljia da Lungiarü cina ala capela de Seres, olache al gnará tigní n pice concert dal trio "Trëi Usc"

Ai 29 de dezëmbër dales 21.00 söla pista d'Antermëia shishow y füc artificiai.

Ai 30 de dezëmbër dales 21.30 a San Martin fiacolada dal Ciastel de Tor jö te paisc y dedô festa sön la plaza dl paiun.

Le Sport Club Amatorial Antermëia organisëia ince en chësc ann n curs da ji coi schi por mituns y mitans dla scolina y dla scora elementara. Le pröm iade s'incuntunse ai 6 de jená dales 14.00 jö apé dl Lift d'Antermëia. Le curs gnara tigní tres de sabeda dales 14.00 ales 16.00 domisdé a Antermëia. Al gnará ince metü adöm n grup che ará la poscibilité da jí cun le maester sön Plan de Coronas (ca. 5 iadi). Cost por le curs cun gara finala (10 iadi) 65 euro + 5 euro por la tessera dl SCAA. Informaziuns y prenotaziuns pro Armin 347 91 02 642.



www.unitepastorala.org

Plata dles Ploanies San Martin y Lungiarü

siur Iaco Ploner 3334832765/0474453003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

24.12.17 – 31.12.17 nr. 4

termo da publiché: jöbia 20.00
radio: 90,40 / 93,70



4^a DOMËNIA D'ADVËNT – Ann B

Vangele: Lüca 1,26-38

Ailò ti à l'agno dit: ... Te ciafaras y metaras al monn n môt:
a d'ël desste ti mëte inom Gejù.....Le Spirit Sant gnará sön tè
y la forza dl Altiscim destenarà süa ambria sura tè....

Ince Elisabeta, tüa parënta, à ciàmò conzepì n fì te süa eté;

Pro Idí ne n'él nia de imposcibl.

Ailò à dit Maria: I sun la fancela dl Signur;
al sozedes cun mè sciöche t'as dit.



„Pro Idí ne n'él nia de imposcibl“

é la noela anunziata dal agno en chësta quarta domënia d'Advënt.

Chësc cherdunse y i le dijun pò ince ti Credo: „I crëii te Dî Pere onipotënt.“

Y i aldiun la resposta bela scëmpla de Maria: “Al sozedes cun me sciöche t'as dit“
Co essi pa iö respognü?

Sc'i cherdess veramënter y confidass deplëgn

che Chël Bel Dî la mina buna cun me y lapró che por ël ne n'el nia de imposcibl,
ti ciarassi al dagní cun demanco fistidi, demanco tëma y trö deplü fidënza.

Ti á pordërt tan de crëta a Chël Bel Dî, ch'i podess dí cun Maria:
“Al sozedes cun me sciöche t'as dit“

NADÉ DL SIGNUR

Vangele: Jan 1,1-18

....Y la Parora é gnüda cern y à abité danter nos,
y nos ùn odü süa gloria, la gloria dl Fi su dl Pere,
plëgn de grazia y de verité.

Cun süa incarnaziun él Idí che tol la jënt coch'ara é.
Cun so Fi incarné nes mëtel dan da nüsc edli
n ejëmpl de vita y n travert:

Ti ciaran ala vita de Gejù podunse, cun so aiüt, rové ala perfeziun.

Adori val' deplü da vire, co savëi che iö vëgni da Chël Bel Di,
che ël m'acompagnëia y ch'i sun sön tru da jí da d'ël!



24.12.17 4ª DOMÈNIA D'ADVÈNT - B VÈIA DE NADÉ	9.00 Corona por le defunt Sepl Flöss 9.30 Gran Mëssa 23.00 Mëssa de Madovines por la Comunità	7.55 Corona 8.15 Gran Mëssa 21.00 Mëssa de Madovines por la Comunità	
25.12.17 Lönesc NADÉ DL SIGNUR NATALE CHRISTTAG	10.00 Mëssa solëna por la comunité 18.00 Öspi da Nadé	8.30 Mëssa solëna por la comunité 14.30 Öspi da Nadé	
26.12.17 Dedolönesc SAN STEFO, Stefania	9.00 Corona 9.30 Gran Mëssa 3ª de sopoltöra de Sepl Flöss families de Martin Verginer	7.55 Corona 8.15 Gran Mëssa por i Seniors + + Anna Chiusura y Pire Pezzei dl ann + Angela Clara + Bino de Balzé	<i>Ti vangele dla gran mëssa de Nadé aldiunse: „Al é gnü te süa proprieté, mo i sü ne l'á nia tut sö. Mo a düc chi che l'á tut sö y a düc chi che crêi te so inom ti ál dé la potesté da diventé fis de Dî.“ Co diventunse pa fis de Dî? Sc'ï reconesciun tl bambin tla ciané la Parora de Dî gnüda cern, sc'ï ascutun chësta parora, sc'ï la tolun ite te nosc cör y te nosc ponsé, y se lasciun rovëne y condüje da d'ëra.</i> 
27.12.17 Dedemesaledema <i>Jan apostul y vangelist, Fabiola</i>	Comuniun ai amará	7.30 Mëssa + Vito Clara + + + Pire, Gabriele, Linda Clara Comuniun ai amará	
28.12.17 Jöbia <i>De Fantú – Mituns Inozënc</i>	7.30 Mëssa families de Paul Sorá + + Alfred y Erica Videsott + + Zingerle da Ghejenara Corona por vocaziuns	17.30 a pe sö Seres 18.00 Pice concert tla capela	
29.12.17 Vëndres <i>Davide, Tomesc Becket, Tamar</i>	18.30 Adoraziun chîta 19.00 Adoraziun deboriada	<i>degöna mëssa</i>	
30.12.17 Sabeda <i>Felix, Richard</i>	15.30 Mëssa tla Ciasa de Palsa 18.30 Mëssa prefestia por i benfators de S.Antone Picolin de rengraz. fam. Alfred Verginer + Agostin Pedevilla	20.00 Mëssa prefestia + + Guido y Emma Clara + Costantino Mischí	<i>I se dejidrun do na bela atmosfera, forsc ince do audanzas valëntes y val' de bun sön mësa I se desmentiun lapró che por nosta gauja o ince por chëra de d'atri unse raporc desturbá o roc ia te nosta vita, olache Gejú stënta da nasce, forsc cun le vijin o cun certi compagns o cun val' familiar o cun la meseria tl monn defrunt a chëra ch'i ne n'un nia la cosciënza a post. I periun Chël Bel Dî dan dal Pic Bambin ch'al nes dëides da lascé gní Nadé ince te chisc posé.</i>
31.12.17 FESTA DLA S. FAMILIA –B San Salvester	9.00 Corona 9.30 Gran Mëssa por les families cun Te Deum de rengraziamënt da sëra degöna funziun	7.55 Corona 8.15 Gran Mëssa por les families cun Te Deum de rengraziamënt da sëra degöna funziun	
	I ti aodi a düc de bunes festes! Le Ploan	I ti aodi a düc de bunes festes! Le Ploan	